



ՄԱՅՐ ԱԹՈՌՈՒՄ

Վեհափառ Հայրապետի բարեհաճ կարգադրությամբ, վերջերս համալրվեց Գերագույն Հոգևոր Խորհրդի կազմը, գրականագետ Գրիգոր Հակոբյանին հրավիրելով իբրև մնայուն անդամ: Հուլիսի 2-ին պր. Գրիգոր Հակոբյանը մասնակցեց Գերագույն Հոգևոր Խորհրդի նիստին:

Հանուն Գերագույն Հոգևոր Խորհրդի, հատենի ժողովո, պր. Գրիգոր Հակոբյանի ներկայությունը և մասնակցությունը նիստին ջերմորեն ողջունեցին Վեհափառ Հայրապետը և Գերագույն Հոգևոր Խորհրդի անդամներ գերաշնորհ Տ. Ասողիկ եպիսկոպոս Ղազարյանը, պրոֆ.-դոկտ. Առաքել Առաքելյանը և ճարտարապետ Միքայել Մաղմանյանը:

Վեհափառ Հայրապետը, ցանկանալով նաև «Էջմիածին» ամսագրի աշխատանքներին ներգրավել մտավորական նոր ուժեր, մնայուն հանգամանքով որպես Խորհրդատու և գործակից գլխավոր խմբագրին, հանձնարարեց կազմել խմբագրական մարմին:

Վեհափառ Հայրապետի թելադրությամբ կազմվեց «Էջմիածին» ամսագրի խմբագրական մարմինը հետևյալ կազմով:

1. Պրոֆ. Առաքել Առաքելյան, անդամ Գերագույն Հոգևոր Խորհրդի և դասախոս Երևանի Խաչատուր Աբովյանի անվան հայկական մանկավարժական ինստիտուտի:

2. Սարգիս Մելիքսեբյան, դիրեկտոր Երևանի գրականության և արվեստի թանգարանի:

3. Արթուր Հատիտյան, ամսագրի գլխավոր խմբագիր և դասախոս Հոգևոր Ճեմարանի:

4. Վահան ծայրագույն վարդապետ Տերյան, Այրարատյան թեմի հայրապետական փոխանորդ, միաբան Մայր Աթոռի:

5. Արսեն վարդապետ Բերբերյան, միաբան Մայր Աթոռ Ս. Էջմիածնի և գավազանակիր Վեհափառ Հայրապետի:

6. Սուրեն Քոլանջյան, ավագ գիտաշխատող Երևանի Մեսրոպ Մաշտոցի անվան ձեռագրաց մատենադարանի:

«Էջմիածին» ամսագրի խմբագրական մարմինը իր լրիվ կազմով հուլիսի 15-ին ներկա եղավ Գերագույն Հոգևոր Խորհրդի ընդլայնված նիստին:

Վեհափառ Հայրապետը և Գերագույն Հոգևոր Խորհրդի անդամներ գերաշնորհ Տ. Ասողիկ եպիսկոպոս Ղազարյանը և ճարտարապետ Միքայել Մաղմանյանը, հանուն Գերագույն Հոգևոր Խորհրդի, ջերմորեն ողջունեցին խմբագրական մարմնի կազմությունը և նրա ներկայությունը նիստին հաջողության, շնորհավորության սրտագին բարեմաղթություններով:

Գլխավոր խմբագիր Ա. Հատիտյանը և խմբագրական մարմնի անդամ Ս. Մելիքսեբյանը, հանուն խմբագրական մարմնի, շնորհակալության պատասխան խոսք ասացին:

* *

Հուլիսի 5-ին, կիրակի, Վարդավառ, «Պայծառակերպություն Տեառն մերոյ Յիսուսի Քրիստոսի»:

Մայր Տաճարում, օրվա մեծ տոնի առթիվ, հանդիսավոր սուրբ պատարագ մատուցեց գերաշնորհ Տ. Ասողիկ եպիսկոպոս Ղազարյանը և քարոզեց «Ծւայլակերպս եղև առաջի նոցա» ֆրիլի պայծառակերպության մեծ դեպքին նվիրված խորհրդածություններով: Վուրբ պատարագին ներկա էր Վեհափառ Հայրապետը:

* *

Հուլիսի 6-ին, երկուշաբթի, «Յիշատակ մեռելոց»: Մայր Տաճարում պատարագեց արժանապատիվ Տ. Հակոբ քահանա Հակոբյանը: Հավարտ սուրբ պատարագի կատարվեց հոգեհանգստյան պաշտոն «վասն համօրէն ննջեցելոց»:

* *

Հուլիսի 6-ին, երկուշաբթի, կեսօրից հետո Մայր Տաճար այցելեցին Պարսկաստանում նորվեգիայի դեսպանը իր հարգելի տիկնոջ և աղջկա հետ, ինչպես նաև հայտնի վիրաբույժ պրոֆ.-դոկտ. Բարակովսկին:

* *

Հուլիսի 12-ին, կիրակի, Մայր Տաճարում պատարագեց հոգեշնորհ Տ. Գևորգ աբեղա Սերայրյանը և քարոզեց «Քե պարծի ալսօր Ս. Եկեղեցի, ով վկայուհի Ս. Սանդուխտ» շարականի խոսքերով:

Սուրբ պատարագին ներկա էր Վեհափառ Հայրապետը:

* *

Հուլիսի 12-ին, կիրակի, կեսօրից հետո Մայր Տաճար այցելեց Մոսկվայում Կուբայի դեսպան Կարլոս Օլիվարես-Սանչեսը իր հարգելի տիկնոջ և դստեր հետ:

* *

Հուլիսի 15-ին, չորեքշաբթի, Մայր Աթոռ Ս. Էջմիածին այցելեցին ուխտավորաբար Մայր Հայրենիքում գտնվող հայ առաջադիմական միության նախագահ պր. Վահան Ղազարյանը ԱՄՆ-ից և Լիբանանի «Սփյուռք» շաբաթաթերթի արտոնատեր պր. Նշան Խոշաֆյանը:

Մայր Տաճարում իրենց ուխտը կատարելուց հետո, հյուրերը ընդունվեցին Վեհափառ Հայրապետի կողմից:

Նորին Ս. Օծուխունը զրույց ունեցավ և՛ պր. Վահան Ղազարյանի և՛ պր. Նշան Խոշաֆյանի հետ Սփյուռքի աղգային-եկեղեցական հարցերի շուրջ:

* *

Հուլիսի 15-ին, չորեքշաբթի, կեսօրից հետո Մայր Տաճար այցելեցին Լեհաստանի տուրիզմի նախագահը իր հարգելի տիկնոջ հետ, ինչպես նաև Մոսկվայում սովորող մի խումբ լիբանանցի ուսանողներ, սովետական զբաղանդության արարքների թարգմանիչ տեր և տիկին Թավիլի գլխավորությամբ:

Վերջիններս ընդունվեցին Վեհափառ Հայրապետի կողմից:

* *

Հուլիսի 15-ին, չորեքշաբթի, Մայր Աթոռ ժամանեց Նոր-Նախիջևանի և Ռուսաստանի հայոց թեմի առաջնորդ գերաշնորհ Տ. Պարգե եպիսկոպոս Գևորգյանը:

Վեհափառ Հայրապետի բարեհաճ կարգադրությամբ, Պարգե սրբազանը մեկնեց հովվական այցելության դեպի Հյուսիսային Կովկաս՝ Օրջոնիկիձե, Արմավիր, Ղզլար, Պրիկովսկ, Ռուստով, Մեծ Սալա և Զալդր:

Գերագույն Հոգևոր խորհրդի անդամ և Վրաստանի թեմի առաջնորդ Տ. Կոմիտաս եպիսկոպոս Տեր-Ստեփանյանը կուղեկցի Պարգե սրբազանին իր հովվական այցելության ժամանակ:

* *

Հուլիսի 16-ին, հինգշաբթի, առավոտյան ժամը 12-ին, Վեհափառ Հայրապետը այցելեց Օշականի Ս. Մեսրոպ եկեղեցին, մոտիկից դիտելու եկեղեցուց ներս կատարվող նկարազարդումների (ֆրեսկոյի) աշխատանքները:

Վեհափառ Հայրապետին ուղեկցում էին ՍՍՌՄ ժողովրդական նկարիչ Մարտիրոս Սարյանը, ճարտարապետներ Միքայել Մաղմանյանը, Վարադդատ Հարությունյանը, Դաֆֆի Իսրայելյանը, Կոնստանդին Հովհաննիսյանը, Բաղդուկ Արզումանյանը, Մայր Աթոռի գլխավոր ճարտարապետ Արծրուն Գալիկյանը:

Վեհափառ Հայրապետը, նկարիչ Մարտիրոս Սարյանը և Մայր Աթոռի ճարտարապետների հանձնաժողովը տեղում դիտելուց հետո նկարչական բարեհաջող աշխատանքները, արեցին մի շարք դիտողություններ և թելադրություններ:

* *

Հուլիսի 16-ին, հինգշաբթի, երեկոյան Մայր Տաճար այցելեց լեհ կինոդերասանների մի խումբ: Հարգելի հյուրերը ընդունվեցին նաև Վեհափառ Հայրապետի կողմից:

* *

Հուլիսի 17-ին, ուրբաթ, Հոգևոր ճեմարանի ուսանողները միօրյա զրոսարշավի գնացին դեպի Արագած և Ամբերդ:

* *

Հուլիսի 18-ին, շաբաթ, երեկոյան ժամերգությունից հետո, կատարվեց հոգեհանգստյան մասնավոր պաշտոն արժանապատիվ Տ. Հայկազուն ավագ-քահանա Ոսկերչյանի մահվան տարելիցի առթիվ:

Հոգեհանգստյան արարողության նախագահում էր Վեհափառ Հայրապետը:

Խոսեց գերաշնորհ Տ. Ասողիկ եպիսկոպոս Ղազարյանը, վեր հանելով հանգուցյալի հոգևոր, կրթական և ազգային գործունեությունը:

* *

Հուլիսի 19-ին, կիրակի, Մայր Տաճարում պատարագեց հոգեշնորհ Տ. Մուշեղ վարդապետ Պետիկյանը և քարոզեց:

Սուրբ պատարագին ներկա էր Վեհափառ Հայրապետը:

* *

Հուլիսի 20-ին, երկուշաբթի, առավոտյան ժամը 8-ին, դեպի Կիսլովոդսկ մեկնեց Վեհափառ Հայրապետը, մի ամսով հանգստանալու համար:

Վեհափառ Հայրապետին ուղեկցում է հոգեշնորհ Տ. Նարեկ վարդապետ Շաքարյանը:

* *

Հուլիսի 26-ին, կիրակի, Մայր Տաճարում պատարագեց հոգեշնորհ Տ. Մեսրոպ վարդապետ Պալյանը և քարոզեց «Եւ որպէս Մովսէս բարձրացոյց զօձն յանապատի, նոյնպէս պարտ է բարձրանալ Որդոյ Մարդոյ» բնաբանով:

